



In ueyi tlayakanki de in ueyi tlatikpaktli itoka guerrero iua in kaltlapaleuini itoka secretaria de cultura nametsnotsa :

Tekitl kampa kitemoskej akinon kichiua achi kuajli artesanías pan in ueyi tlatikpaktli guerrero pan in xiutl 2026



Manos creadoras 2026

Tlen kichiua pan in ueyi tlatikpaktli guerrero kuajli kichiua "

Ika ijkon achi chikauak tikijtos tejua ti guerrerense, kiteititisekej kenijki kinchiua ka imaua in artesaniasa de in tlatikpaktli nochi in tlen kimati kiteititisekej ikoneuan iua kiliskej nochimej maseualmej makinchichiua in artesanías tikinnotsa nochimej akinon kinchichiua in artesanías de in tlatikpaktli Guerrero.

BAJO LAS SIGUIENTES BASES

1. Ueliskej kaliskej pan tekitl nochimej maseualmej akinon ya meluak kimati iua akinon niman peua san iseltin noso iua oksekimej maseualmej akinon ya kipia matlaktli iuan chikuueyi xiuitl iua otlakatkej pan in tlatikpaktli noso nikan chanti maski makuijli xiuitl.
2. Se artesanía noso miyekej artesanías (miyekej artesanías niman makipiaka san sekan ixko) niman kuak tikinnanakas kaxiltis 15 000 tomin (quinze mil pesos 00/100 m.n).
3. Pan in tekitl nemiliskej se artesanía nochi ken se tlapalojli komitl tlakemej xayak noso tlen kichiua ika soyatl kuamej iua oksekimej iua nochi kinchichiua ika imaua pan ueyi tlatikpaktli.
4. Nochi in artesanías uelis kinchiaskej ika nochi tlenka kichiuas in maseualmej xuelis kinchiaskej ika in yolcamej tlen yamopoloskej noso tlajtle tlen ixkuajli.
5. In artesanía kintemakaskej kuak tinmotlajkuilos pan in kaltlapaleuini itoka palacio de cultura Ignacio Manuel altamirano tlen onka pan in altepetl Chilpancingo pan in dirección general de recintos y desarrollo cultural tlen mitstlatlanilis tla in artesanía ixkuajli amo mitsseliskej.

Tlen tiktemakas kuak timotlajkuilos in artesanía noso artesanías motlajkuiloskej ika nochi in tlen mitstlatlaniskej pan in correo electrónico scultura.gro@gmail.com

- Amatl kampa tikijtos tlenojo in artesanía kenijki otikchi iua in altepetl kampa kinchiua iua tla tiueli tiktemakas ixkopinali kenijkij tikchiua.
- Se ixkopinali kampa kisas maseual noso maseualmej akinon okijchi in artesanía.
- Se amatl kampa kitlalis kech xiuitl yakijnchijchiua in artesanías in maseual noso maseualmej
- Tiktemakas copias de in amamej mo ine noso okse amatl kampa nesis mo ixko mo acta de nacimiento se amatl kampa kijtos tejua otitlakat nos tichanti pan in tlatikpaktli.
- Se amatl itoka caratula bancaria vigente.
- Se amatl kamapa tejua tikijtos noso nankitoskej in artesanías mouaxka noso mouaxkaua akinon motlajkuilos (tla in artesanía ixmouaxka mitskixtiskej) iua tikijtos tlanika otitlakat noso nika tichanti ua kech xiuitl ya nikatichanti.
- Nika tiuelis tikixtis se amatl iua tiktemiltis iua tikfirmaros <https://www.guerrero.gob.mx/convocatoria/concurso-estatal-de-artesanias-guerrerense-manos-creadoras-2026/>

6.Nochi in amamej tlen tiktemakas ika in artesanía tiktemakas pan in kaltlapaleuini itoka casa de cultura pan in altepetl Chilpancingo noijkikuak tiktemakas in mo tekitl nochi mo tekiyomej ixpanos se xiuitl kuak otikchi kuak kisas in amatl itoka convocatoria.

7. Se maseual noso maseualmej uelis kitlajkuilos san se artesanía noso miyekej.

8. Nochi maseualmej akinon motlajkuiloskej kichiuaskej tlen kijtoa in amatl tla se artesanía ixmouaxkaj tejua ueliskej mitsteiliskej.

9. Akinon kitoskej akinon kitlanis yeskej yeyi maseualmej akinon kimati iua se maseual akinon tekpanoa pan in casa de cultura mosentlaliskej pan in tonali matlajtli uan nau de in mestli agosto de in xiuitl 2026 ua onpa kitoskej katlejua kitlanis iua nochi yejuain kitaskej:

- Katlejua kachikuajli
- Kenijki okichijkej
- Tla kuakualtsi
- Nochi ken okichijkej
- Kuak yaonka kaujli
- Tla semikuajli okichijkej

Akinon kitlaniskej kintlaliskej pan in <https://www.facebook.com/SecretariaDeUltradGuerrero> niman pan in redes sociales de in secretaria de cultura pan in tonajli sempuajli uan matlajtli uan se de in mestli octubre de in xiuitl 2026 iua kinnotsaskej pan in tlapouajli tlen otiktemakak kuak otimotlajkuilo.

10. Nochi in artesanías tlen kitlaniskej mokauaskej pan in secretaria de cultura iua kintlaliskej pan in palacio de cultura pan in altepetl Chilpancingo iua se amatl kampa in maseual kitemakas in artesanía iua ueliskej kitaskej mochimej maseualmej pan in casa de cultura.

11. Xueliskej motlajkuiloskej akinon kitoskej akinon kitlaniskej noijki akinon tekpanoa pan in palacio de gobierno iua ichanejkauan.

12. Tla tlajtle xokitlalijkej pan in amatl kinemiliskej in maseualmej akinon kitoskej akinon kitlanis iua in casa de cultura.

13. In tekitl motlajpoa pan in tonajli kuak kisas in amatl itoka convocatoria iua tlamis pan in tonajli chikomej de in mestli agosto de in xiuitl 2026 tlayoak san in tonajli ueliskej motlajkuiloskej.

TLEN KITLANISKEJ

Kitemakaskej sempuajli iuan chikomej premios ika tomin yeskej 15 000 m.n (quinze mil pesos moneda nacional)iua se amatl kilia diploma nochimej in artesanías tlen kiteititisekej kenijki okichijkej iua achi kuakualtsi pan in tlatikpaktli guerrero.

Nochi in premios kitemakaskej pan palacio de cultura pan in altepetl Chilpancingo pan in tonajli matlajtli uan se de in mestli septiembre de in xiuitl 2026 pan tlajko tonajli.

Tla tlajtle tikneki titlatoltis tiuelis tikitas pan in scultura.gro@gmail.com

TLA TLAJTLE TIKNEKI TITLATOLTIS TIUELIS TIKITAS PAN IN

<https://www.guerrero.gob.mx/convocatoria/concurso-estatal-de-artesaniaguerrerense-manos-creadoras-2026/>
<https://www.facebook.com/SecretariaDeCulturaDeGuerrero>

In tekitl kichiua ika tomin tlen kitemaka ne pan ueyi altepetl mexico kitemaka in kaltlapaleuini itoka secretaria de cultura In tekitl xokichi in partido político ixtiuelis tikchius okse tekitl ika in

TLEN IXTUELIS TIKITAS

Nochi in amamej noso motoka tlen kiselis in kaltlapaleuini itoka secretaria de cultura de in altépetl guerrero uelis kinmakaskej oksekimej kaltlapaleuini iua noijki kitlaliskej pan ipagina de in kaltlapaleuini iua pan redes sociales tepostlakuikajli noso okse tlen kijtos in kaltlapaleuini.

In tekitl tiuelis tikitas pan in <https://www.guerrero.gob.mx/articulo/aviso-de-privacidad-integral-2/>